

優婆塞優婆夷受是經者我當供養隨其所

湏一切給與若復有能供養如是受持經者

我等亦當勤守護之內外財寶令無損耗隨

是經法所流布處亦護其土令無諸惡佛言
善哉善哉善男子汝能如是守護法者則為
供養三世諸佛善男子若諸衆生有護法心

若生人天得大自在乃至畜生亦有大力為
人所重不經寒苦善男子是護法者惡不能
加心無所畏無能破壞諸魔煩惱不得其便
多饒眷屬智慧具足凡有所說無所罣礙樂
行十善修習正定父母諸王見則恭敬能昇
法座轉正法輪凡有所聞終不忘失

大方等大集經卷第二十五

有三

海於大衆中演說正法初中後善字義真正
具足清淨班宣梵行為諸菩薩淨於法印令
諸菩薩聞已修習尔時東方過九万二千諸
佛世界彼有世界名曰善華其土有佛号曰
淨住如來應正遍知明行足善逝世間解無
上士調御丈夫天人師佛世尊為化衆生宣
說正法有一菩薩名曰寶旛與諸菩薩其數

八千發彼世界欲來此土發妙寶蓋欲奉如
來其蓋周覆一千世界及諸香華欲供養佛
妙音說偈讚歎如來

若諸人天得覩佛 則為獲得大利益
如來所受若無量 勤精進故得菩提

寶旛菩薩品第十一

尔時世尊故在欲色二界中間大寶房中坐
師子座放大光明猶如日月得大自在猶如
梵釋功德高顯猶須彌山法界甚深猶如大

大方等大集經卷第二十六

北涼天竺三歲曇無謹譯

有四

往昔精進修菩提 超過一切諸菩薩
 為令衆生得利益 故轉無上正法輪
 如來如是難得見 所說正法亦難聞
 獲得人身亦復難 諸根具足亦如是
 若諸衆生行不善 亦不能作三善業
 若人欲得大利益 應當觀見釋中尊
 若欲聽受無上法 幷見十方諸菩薩
 具足三十二妙相 應當速詣大寶房
 今若不種諸善根 後必不得大涅槃
 若欲具足人身者 應當速詣娑婆界
 若欲破壞三惡道 應欲受人天微妙樂
 獲得無上無比樂 應當詣於娑婆界

大醫今施甘露味 除滅衆生諸煩惱
 如來商主大法王 今日演說無上界
 寶髻菩薩說是偈時其聲遍滿大千世界時
 舍利弗聞是偈已即白佛言世尊如是偈音
 何處演說佛言舍利弗東方過於九萬二千
 諸佛世界彼有世界名曰善華其土有佛号

曰淨住彼有菩薩名曰寶髻與八千菩薩俱
 欲來此是其所說其聲聞于大千世界勸諸
 衆生令修善法尔時寶髻菩薩與八千菩薩
 及無量人天來至佛所頭面禮拜白佛言世
 尊善華世界淨住如來致敬問訊起居輕利
 氣力安不眷屬大眾樂受法不世尊我從彼
有大集廿六
 來至此世界爲聽菩薩淨行法印唯願如來
 普爲一切大慈憐愍分別解說令諸菩薩聞
 已修習破壞一切煩惱習氣修菩薩行了知
 一切衆生之心能修菩薩所有行相能得解
 了智慧之行能知一切煩惱等行能修菩薩
 所修法行能深觀察一切罪過身得無礙見
 一切佛佛言善哉善哉善男子諦聽諦聽我
 今當說如是淨行十分之一善男子菩薩摩
 謶薩有四行何等四一者波羅蜜行二者助
 善菩提行三者神通行四者調衆生行波羅蜜
 行者是願方便助善菩提行者是修道方便神
 通行者是調心方便調心方便者是菩提心

堅固方便善男子云何名檀波羅蜜檀波羅蜜即是淨行能壞癡心能修捨心修捨心已能一切施若有菩薩能一切施即得四種無分別心何等爲四一者不分別衆生二者不分別法三者不分別心四者不分別願是名爲四不分別衆生者是可與是不可與此多

與此少與、此上與、此下與、此恭敬與、此輕慢
與此全與、此半與、此持戒此破戒此福田此
非福田此得大報此不得大報此是正見此
是邪見此行正聚此行邪聚善男子菩薩摩
訶薩得如是心名不分別心無憍慢心無上
下心無罣礙心是平等心真正之心平等施
有大集十六

貪非爲名施不求果施所愛之物施已不悔
爲攝衆生故行惠施是名不分別心不分別
願者施時不爲得帝釋身梵王之身轉輪王
身魔身長者大臣之身亦復不爲大自在故
大眷屬故不爲上有不爲聲聞辟支佛乘乃
至不爲阿耨多羅三藐三菩提故而行布施
是名不分別願善男子苦薩摩訶薩修惠施
時具足成就如是四事則得遠離八不正見
一者我見二者衆生見三者壽命見四者士
夫見五者常見六者斷見七者有見八者無
見是名爲八復得遠離四種功德一者凡夫
功德二者聲聞功德三者緣覺功德四者餘
習功德如是施已不觀四相一者常相二者
樂相三者我相四者淨相能淨四法一者淨
身二者淨口三者淨心四者淨願遠離三礙
一果報礙二聲聞礙三悔心礙善男子菩薩
修行如是施時遠離三畏一者憍慢畏二者
上慢畏三者魔業畏菩薩修行如是施時具

四種印一者內空印二者外空印三者衆生空印四者善提空印如是施時具四精進一者滿衆生故具足精進二者護佛法故具足精進三者爲具三十二相八十種好故具足精進四者淨佛土故具足精進是時復得具足四念一者念菩提心二者念欲是佛三者心常念慈四者念離煩惱如是施時淨於三事一者自身二者他身三者菩提如是施時淨於四智一者界智二者衆生滿足智三者願智四者助菩提智善男子菩薩若能行如是法則能淨於檀波羅蜜善男子云何菩薩淨尸羅波羅蜜行善男子有一種淨所謂菩

有大集共六四

薩憐愍一切世間衆生勝於聲聞辟支佛慈能壞魔業調諸衆生具足無量功德實聚無有放逸復有二種一者於諸衆生不生惡心二者調諸衆生令向菩提復有三種一者淨身遠離一切身惡業故二者淨口遠離一切惡口業故三者淨意遠離一切貪恚邪見故

有大集共六五

復有四種一者勸諸衆生令得禁戒二者勸諸衆生具足淨戒三者能調諸毀戒者四者見持戒者供養恭敬尊重讚歎復有五種一持戒已不生懈慢二見毀戒不生輕慢三見持戒心無嫉妬四終不求聲聞之乘五者不念辟支佛乘復有六種一者念佛爲過戒故二者念法爲過戒已心不生悔三者念僧爲能具足如來戒故四者念戒爲不求有諸果報故五者念施爲能一切悉施與故六者念天爲欲具足諸善法故復有七種一者深信一切佛法二者勤行精進爲得佛法故三者具智爲知一切諸佛法故四者聞已能說一

二者念法爲過戒已心不生悔三者念僧爲能具足如來戒故四者念戒爲不求有諸果報故五者念施爲能一切悉施與故六者念天爲欲具足諸善法故復有七種一者深信一切佛法二者勤行精進爲得佛法故三者具智爲知一切諸佛法故四者聞已能說一

厭三界故八者至心護法不惜命故復有九種一者離九惡心過九衆生所居處故二者念淨三者修四者增長善法五者心樂寂靜六者離煩惱熱七者莊嚴舍摩他八者勤行精進九者不欺衆生復有十種一者淨身二業二者淨口四業三者淨意三業四者遠離嫉妒五者離詣曲心六者至心念戒七者爲持戒故勤行精進八者濡語爲調衆生九者受身爲衆生使十者於諸福田不生輕慢善男子菩薩修行尸波羅蜜有二種淨行一者有心有相及以莊嚴寧捨壽命終不毀戒二者無心無相及無莊嚴於一切法心無所著復有二種一者淨於內入二者不求一切外入復有二種一者常願菩提之心二者不觀本向菩提戒相善男子云何菩薩淨羼提波羅蜜行善男子菩薩摩訶薩受罵不報口業淨故受打不報身業淨故受瞋不報意業淨故善男子菩薩摩訶薩雖受罵辱所以不訶

護衆生故受諸楚毒所以不報護後世故被截手足慈心不瞋護菩提故見有求者心不生瞋爲四攝故生慈心故增菩提道故壞慳貪故破魔業故善男子菩薩摩訶薩修念佛已行於忍辱受一切苦爲得佛身故善男子復有菩薩修於忍辱爲欲具足得十力故復有菩薩修於忍辱爲欲成大師子吼故復有修忍爲知三世無量礙故復有修忍爲得大慈大悲力故復有修忍爲得具足一切智故善男子菩薩摩訶薩具足二力能成就忍一者智力二者修力以智力故觀於身心是故爲忍以修力故不著諸法是故爲忍復次善男子淨忍菩薩則能觀察一切法中無有衆生是故修忍一切諸法其性解脫是故菩薩觀一切法無忍無瞋若於諸法心無所著是名爲忍善男子菩薩有忍一者觀如法身二者觀如法界菩薩摩訶薩若能如是觀二法者是名菩薩淨羼提波羅蜜行善男子云何

有大集六

菩薩淨毗梨耶波羅蜜行若菩薩摩訶薩於諸修行不息不悔於諸善法心無厭足亦樂修行五波羅蜜當求莊嚴一切善法擁護正法樂宣說之調伏衆生心無休息過於聲聞辟支佛乘擁護一切諸佛正法修諸苦行其心不悔終不喪失本智善根廣修多聞心無

厭倦爲衆走使不生愁悔是名精進如是精進云何名淨若能觀身猶如影像口無言說心畢竟淨以盡智觀諸法以無生智知諸有盡如是觀時則能莊嚴三種精進一體莊嚴二者覺莊嚴三分別莊嚴復有三種不著精進一不著眼二不著色三不著識乃至法識亦復如是是名不取不捨精進具足如是勤精進已不取惠施不捨慳貪不取持戒不捨毀戒不取忍辱不捨瞋恚不取精進不捨懈怠不取禪定不捨亂心不取智慧不捨愚癡不取善法不捨惡法不取佛道不捨二乘是名二種勤精進也是二精進能具佛法復有

二種所謂內外若有菩薩能修如是勤精進者是名毗梨耶波羅蜜行淨善男子云何菩薩淨禪波羅蜜行若有菩薩摩訶薩取諸禪枝觀諸禪枝觀已入定既入定已不貪著色受想行識是名爲禪非著眼禪乃至意禪是名爲禪非著色禪乃至法禪是名爲禪非著有大乘六

地水火風空禪是名爲禪非著日月釋梵自在天禪是名爲禪非著欲界色無色禪是名爲禪非著此彼禪是名爲禪非觀身心禪是名爲禪非著上下禪是名爲禪非著四取禪是名爲禪非著衆生壽命士夫我人相禪是名爲禪非著常見斷見有無見禪是名爲禪非畢竟盡漏禪是名爲禪非入定聚禪是名爲禪非得沙門果禪如是禪者非畢竟行禪名空調伏禪非真空禪名無相調伏禪非真無相禪名無願調伏禪非真無願禪是名菩薩具足成就大慈大悲一切空行禪云何名爲具一切空若能不觀布施持戒忍辱精進

禪定智慧方便慈悲喜捨四禪菩提智慧誓願莊嚴舍摩他毗婆舍那解脫慚愧之名諸佛方便三昧神通無礙智攝取十力四無所畏十八不共法不爲二乘之所染汙斷諸習氣具足無量大神通智爲諸衆生之所歸依莊嚴世法及出世法能善調伏一切衆生度

於四流生死大海能斷一切所有繫縛淨諸法性是名性寂靜非向法寂靜亦取向法捨性了了向法盲性有聞向法聾性勤調伏向法停住涼滅寂靜調伏熾然是名一切行空善男子辭如三千大千世界所有衆生悉善知盡其中或有善能泥塗或有磨采或曉盡身不曉手足或曉手足不曉面目時有國王以一張疊與是諸人而告之言凡能盡者悉來聚集於此疊上畫吾身像尔時諸人悉來聚集隨其所能而共作之有一畫師以緣事故竟不得來諸人盡已持共上王善男子可言諸人悉集作不不也世尊善男子我說此

喻其義未顯善男子一人不來故不得言一切集作亦不得言像已成就佛法行者亦復如是若有不行不成就者不名具足如來正法是故要當具足諸行名爲成就無上菩提說是法時六万菩薩於一切行得具足空善男子云何菩薩摩訶薩淨般若波羅蜜行有大乘共六八

善男子菩薩摩訶薩具十二慧一者知過去無礙二者知未來無礙三者知現在無礙四者知有爲無礙五者知無爲無礙六者知一切世作無礙七者知出世無礙八者辯才無礙九者知實無礙十者知世諦無礙十一者知第一義諦無礙十二者知諸衆生利鈍無礙是名爲慧難破能破難觀能觀難解能解辭如金剛不可沮壞是名出世之慧畢竟慧一切衆生真解心慧難行難入難見甚深難可習學正見正聚遠離諸見及以習氣自知了了知見一切衆生之心法智義智無所貪著曠大光明無諱無近善知時節過於時節

正聚護正聚畢竟覺正覺實覺遠諸垢穢不爲一切之所呵責一行無行一切衆生行無足跡行雖離一切世間之行亦不遠離一切世行雖離世界不離佛土雖離一切諸行莊嚴亦不遠離調伏衆生雖離諸行不離善行雖離衆生心行因緣不離知於衆生心行雖離世行不離世法雖離諸身亦入衆生心是名爲慧如是智慧其爲難得非善根純熟終不能獲不能常修行善法者亦不能得如是智慧菩提樹下乃能得之真如法性諸佛所護度至彼岸知一切法施甘露味是故名爲般若波羅蜜善男子如是智慧畢竟了知一切緣一切相一切衆生心之所行以是義故名爲智慧如是智慧有二寂靜一者知礙相寂靜二者知無礙相寂靜復有二種一者無覺淨二者離諸見淨如是智慧菩薩摩訶薩常遊衆生利鈍根中衆生心中一切法中觀諸煩惱是智慧菩薩雖住諸界多住佛界能

有華六
九

善觀見十方世界離一切善悉是一切佛法根本具足一切無上佛法不學諸法不離諸法不壞一法不成一法菩薩成就如是智慧能作功德能讀誦說一切佛法一切福德悉能得之皆能修成一切善法是名菩薩淨般若波羅蜜行說是法時二万二千衆生發阿耨多羅三藐三菩提心八千菩薩得無生忍五百比丘漏盡意解十千天人得須陀洹果爾時一切天與人同聲而言世尊若有人能信是法者當知此人諸佛所護何況有能受持讀誦書寫供養善男子云何菩薩摩訶薩淨助菩提行善男子菩薩摩訶薩觀身念處有二種行一者不淨行二者淨行不淨行者觀身不淨臭穢充滿無常無住誑諸凡夫淨行者菩薩摩訶薩作是思惟我今因是不淨之身得淨佛身得淨法身淨功德身一切衆生所樂見身復次善男子菩薩摩訶薩觀身身已能淨二行一者無常二者常菩薩摩訶

薩觀身無常必定當死如是觀已不爲身故造結惡業邪命自活修三堅法一者身堅二者命堅三者財堅如是觀已能爲衆生而作給使即得遠離身口意曲菩薩如是觀身無常得如是等無量功德云何爲常善薩摩訶薩觀無常已則得常身因無常故得功德身

因無常故不斷佛種法種僧種善男子又復常者即是無盡無盡者即是無爲無爲者即是一切智所行處一切智所行處者即是空無相願又復常者即是虛空菩薩摩訶薩觀一切法猶如虛空是名善薩摩訶薩常行善男子復有菩薩修身念處觀察一切衆生之身畢竟當是如來佛身如如來身法身亦如是二身我身亦尔是名善薩觀無漏身菩薩尔時所得善法隨其多少悉是無漏以如是法發願迴向一切種智得無漏已終不起漏所言漏者即是三漏所謂欲漏有漏無明漏菩薩了了知三漏已爲衆生故生於欲界

有大集六

下不上下者則如法住如法住者不行善法不行惡法不上不下已即得善友得善友已遇善知識善知識故得聞正法聞正法故不以漏心向有漏法是名過於諸漏境界過漏境已當入禪定既入定已乃至一法不生覺觀無覺觀故不作一法不變一法是名如法是名一切法平等若得如是諸法平等是名一切智善男子菩薩摩訶薩若能如是觀身念處是名觀身身念善男子菩薩尔時次觀受念處於有受者生慈悲心向諸衆生作如是言畢竟樂者斷一切受若人能斷一切受者即受常樂菩薩尔時隨所受受生慈悲心若

有大集六

自若他受樂受時遠離愛心生於慈心若受苦時遠離瞋心生於悲心若受不苦不樂離無明心生於捨心是故菩薩受樂受時不生貪著受苦受時不生瞋恚受不苦不樂受時不生無明菩薩受時觀一切受無常苦無我見受樂者即知是苦見受苦者如癲如瘡見

不苦不樂受是不寂靜觀於樂受即是無常觀於苦受即是空無不苦不樂即是無我菩薩受時作是觀已見是諸受即是無受見一切受即是有爲若是有爲即是生滅散漏無住如是觀已不見於我不見受者是名菩薩大智方便因是方便見一切受無常生滅觀

一切法悉是空無無受受者無作作者從緣而生從緣而滅無屬無取於諸因緣不生覺觀因無覺觀作如是言諸因緣法皆悉是空菩薩摩訶薩如是觀時成就念處能令身心皆悉寂靜知一切行是名一切智是名修受受念處云何菩薩修心念處菩薩摩訶薩住

菩提心觀是心性不見內入心不見外入心不見內外入心不見陰中心不見界中心既不見已作是思惟如是心緣爲異不異若心異緣則一時中應有二心若即心緣不應復能觀於自心猶如指端不能自觸心亦如是作是觀已見心無住無常變異所緣處滅即

知是心非從緣生非不緣生非常非斷非內非外非有非無觀心如是不妨如法知心寂靜是名菩薩修心心念復次善男子菩薩摩訶薩觀心非色不可觀見非是覺觀是名菩薩修心念處如心心數亦如是如心數心行亦如是如心行心所求法亦如是如所求法

菩提亦如是如菩提一切善法亦如是菩薩若觀心如猕猴盡水朝露蜂王魚母如河如炎如想遠事猶行無身常轉無停貪著諸界次第生滅能攝如是無量之心令住一處不動不轉不漏不錯不亂不散是名舍摩他善薩若能作如是觀是名成就觀心心念處是

名知心境界是名知心法界是名知心真實之相是名知心真實之性即是廣知即是淨知了知真知實知如幻是名知法名知心性名知心盡名無取知無罣礙知菩薩摩訶薩如是觀已善知一切衆生心性知已如應而爲說法如知自心性知一切衆生心性亦復

如是如知自心相知一切衆生心相亦復如是如知自心空知一切衆生心空亦復如是如觀自心平等觀一切衆生心平等亦復如是作是觀已不動法界是名菩薩修心心念處善男子云何菩薩修法念處菩薩摩訶薩作如是觀法出滅法無我衆生壽命士夫無生無滅無沒無出是名法性若能求法是名出法若不求法是名滅法若善不善出者從緣滅者從緣如是觀時觀於三行所謂惡行善行不動行是三行中我當常行極善之行為十善法十善法者爲淨身業欲求如來三十二相八十種好他不能害淨口業者凡有

所說衆樂聽受淨心業者於諸衆生其心平等常入禪定淨四無礙智淨慈心故施衆生常樂淨悲心故無量世中爲衆受苦其心不悔淨於十力爲知衆生諸根利鈍淨四無畏爲知衆生障無障故淨十八法爲知三世無障礙故淨一切佛法爲一切衆無能勝故菩提薩摩訶薩能如是觀於諸善法及諸功德不生厭足親近善行遠離惡行及煩惱習真實了知於不動行雖知不貪心得自在隨願往生非結業生生於欲界爲衆生故善男子菩薩摩訶薩得善方便觀法念處修習莊嚴助菩提法遠離一切障菩提得是功德不著

有大集六上三
常見不著斷見離是二見行於中道夫中道者有二種法一不善念二者無明是二法中心不放逸是名中道復有二法一行二識復有二法一者名色二者六入復有二法一觸善行不動行是三行中我當常行極善之行為十善法十善法者爲淨身業欲求如來三十二相八十種好他不能害淨口業者凡有

是名中道如是中道出間智慧所不能見不可宣說不可顯示無有相貌無色無處無取無捨清淨寂靜善男子夫中道者不可眼見乃至不可觸觸亦無至處亦世出世不可宣說非常多非少故名中道善男子我與無我名爲二邊若有說言非常非斷非命非士非想

非非想非覺非非覺非實非虛非此非彼非有非無非有爲非無爲非行非非行非生死非涅槃不作如是是名中道復次善男子菩薩摩訶薩觀法法念不分別法界如法界衆生界亦如是如是二界名虛空界一切諸法悉入法界夫法界者即衆生界衆生界者即無分別是名觀察一切法等見一切界即是法界雖明了見而心不著以不著故則無分別菩薩摩訶薩不以肉眼天眼慧眼觀法念處何以故如是三眼無相貌故是故觀法則以法眼雖了了知而心不著雖復不著不失法界是名佛智能知如是甚深法界亦不失

摩訶薩常樂修習一切善法未生惡法爲不生故勤行精進已生惡法爲遠離故勤行精進未生善法爲令生故勤行精進已生善法爲住不失故勤行精進善男子菩薩摩訶薩於無量世修習善行是故性善不以方便令

於一切智念是名菩薩修法法念處善男子菩薩摩訶薩何故修習是四念處爲欲遠離四顛倒故修身念處爲離淨倒修受念處爲離樂倒修心念處爲離常倒修法念處爲離我倒又離四食修身念處離於揣食修受念處離於觸食修心念處離於識食修法念處有大集共六離於恩食又復遠離識四住處修身念處離住色處修受念處離住受處修心念處離住想處修法念處離住行處復離五陰修身念處遠離色陰修受念處遠離受陰修心念處遠離識陰修法念處離相行陰是名菩薩淨四念處行善男子云何菩薩淨四勤行菩薩

者菩薩尔時心及心數與大慈悲和合共行故名正勤菩薩尔時次第修習四如意足一者欲二者心三者進四者慧專念至心念於菩提是名爲欲修大悲故覺心輕便是名爲心遠離惡法是名精進得方便故名之爲慧菩薩修四如意足已得四自在一者壽命自

在以自在故雖生短命自得長壽爲調衆生與長壽者演說正法於長壽中能現短壽隨是菩薩所生之處若天若人得命自在二者身得自在以自在故隨心作身隨心作色示現威儀爲衆生故菩薩若欲與諸衆生其身同等高大微小悉皆能作三者得法自在以

有大集六

自在故能知一切世出世法示諸衆生一切

世事於出世行心亦不退明知甚深十二因緣得無礙智能爲衆生說種種法無量衆生聞是法已發阿耨多羅三藐三菩提心四者願得自在以自在故令四天海合作一海不來不去無有動轉如本無異亦令三千大千世界諸

須弥山合爲一山不來不去無有動轉如本不異於四天王三十三天無所妨礙欲令三千大千世界悉作金寶七寶施檀華香瓔珞虛空水火皆隨意成是名菩薩得四自在善男子菩薩若得四如意足則得面見十方諸佛與共語言進止一處一切梵天帝釋四王阿脩羅乾闥婆迦樓羅緊那羅摩睺羅伽亦復如是云何莊嚴四如意足善男子若能供養父母和尚師長有德見諸衆生先意問訊柔軟與語如語而作視諸衆生其心平等善心正心恭敬心慚愧心遠離貪欲瞋恚愚癡無欺無貪無妬無憚營他事業如已所作無勢力者助其力勢泥塗之處薦治土石河澗溝渠造作橋樑或以身負或施船濟常施衆生所湏之物口不說他哀惱之事亦不譏刺他所犯罪有犯罪者能如法除遮諸煩惱令不生起所重之物能以施人既施之後心不生悔爲諸衆生發願迴向信心以善勸諸衆生

不惜身命少欲知足於他利養心無慚望常念出家亦勸衆生念善知識心無捨離於怨親中平等無二以種種乘施行路者麻乏之人施牀卧具有恐怖者能為救護視諸衆生如父母想不輕毀戒施貧財物有病瘦者給其醫藥施恩於他不自稱說終不斷絕三寶種性常念無爲遠離世事一切諸惡不善之法不爲世法之所染汚不失菩提至心之念是名莊嚴淨四意足行

二十六

四

大方等大集經卷第二十六

大方等大集經卷第二十七

有五

寶髻菩薩品第十一

北涼天竺三歲曇無讖譯

云何菩薩淨五根行菩薩信心不可動轉名為信根不由他教而行精進名精進根常念菩提名為念根常修大悲名為定根攝取善

升

法名為慧根復次信諸佛法名為信根求諸佛法名精進根念諸佛法名為念根得佛三昧名為定根斷諸疑網名為慧根復次心向菩提無有疑網名為信根增長善法名精進根求善方便名為念根視諸衆生其心平等名為定根觀諸衆生上中下根名為慧根復次心淨無濁名為信根壞衆濁心名精進根念清淨法名為念根觀心性淨名為定根能令衆生住清淨法名為慧根復次遠離一切弊惡之法名為信根求諸善法名精進根得已不失名為念根既得善法如法而住名為定根思惟善法不善無記名為慧根復次信

根者即是施心精進根者即是樂施無有休息念根者既施之後不求果報定根者即平等施心無分別慧根者不觀福田及非福田復有信根即是初入善法之心精進根者能壞憍慢念根者離我我所定根者遠離一切六十二見慧根者遠離一切諸惡煩惱是名